

沈雲龍教授主編

近代中國史料叢刊

第五十四輯

文海出版社
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第五十四輯

目錄

國朝宮史	于敏中等修
皇朝瑣屑錄	鍾琦輯錄
包慎伯(世臣)先生年譜	胡繩玉輯
未灰齋文集	徐鼎撰
二二五五疏	錢恂著
無錫楊仁山(楷)先生遺著	楊曾勗輯
軌政紀要	陳毅編
度支部軍餉司奏案彙編	多誠等編
度支部稅課司奏案彙要	宋壽徵等編
田賦案牘彙編	佚名編

1932年11月

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面


若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



國朝宮史

羅振玉謹著



乾隆七年十一月二十二日奉

上諭朕近檢閱宮中陳編得明朝宮史一書凡五卷作者曰盧城赤隱不著其名氏蓋勝國晚季中涓所為詞雖淺俚而所紀皆宮庭事實使後有所考芻蕘之言聖人擇焉者此類是也論者率謂明亡不亡於流賊而亡於宦官似矣而朕不謂然宦官之禍漢唐來已然顧其使宦官得志擅權肆毒海內者伊誰之咎也明代皇城以內外人不得入紫禁城以內朝官不得入奏事者至午門而止中外阻絕判若天人君所與處者若輩耳凡監役監軍要地要務非若輩弗任也非若輩之言弗信也導諛縱逸溺愈深中葉以後羣臣有數十年不得望見顏色者而鬼蜮之計得行遂使是非由其愛憎刑威恣其燔炙兵事任其操縱利權歸其掌握倒持太阿授之以柄其失皆由於不與士大夫相接耳我朝列聖家法事事超越往古而內庭法制尤為嚴密世祖章皇帝御極之初即立鐵牌於內務府永禁內監不得干預朝政迄今百有餘年從無一人能竊弄威福者固由於法

制之整肅而實由於君德之清明略舉數端願我子孫守之弗替我

列祖勤政親賢乾綱獨攬朕恪承不緒罔或敢怠自朝以至日中視事者十數刻召對廷臣者十數刻披閱本章者十數刻若乾清宮若弘德殿若養心殿皆大內禁廷大學士九卿日接跡其間咨詢延訪外至末僚微弁外藩遠使人人舉得進見明目達聰燭幽遐而決壅蔽雖欲窺伺盜竊其何隙之乘此其當守者一也明內廷取用有曰鷓鴣炭馬口柴者薪炭微末乃爨下賤耳而巧立名色誅求橫索如此其他宣入備用金錢紈綺之屬更不知幾何至今京城內外以及西山琳宮梵宇大璫修建者十居八九瑩域封樹制擬山陵華表豐碑大書屹立工費率鉅萬計自非恣侵漁而廣賄賂何所取諸我朝則錢穀兵刑若內若外各有專司修其職業下至薪蒸蔬果悉入月奏隨時裁汰務歸省約一芻一粟不得擅取此其當守者又一也明代內監多至萬餘人冒濫名器蟒玉盈廷子弟親族盤據窟穴政府言路憑藉與援羽翼腹心勢

皇朝通志 卷之四十五

燄熏灼馴至不可收拾我朝初制內璫不設官階

皇考以其給事三右體制攸關定宮殿監侍等官名秩不過四

品以杜僭越朕復限以人數通計御前暨

壽康寧壽以至各宮外及苑囿纔二千餘人後此不得增額防

閑易周爰養省約且無傷陰陽之和此其當守者又一也謹

小慎微頰笑不假稍踰繩檢法在必行近御執事罔敢希倖

恩澤此其當守者又一也夫

祖宗立綱陳紀垂之典則者若此朕之防微杜漸謹其操柄者

又若此不有成書奚以行遠朕意欲輯本朝宮史一編首載

勅諭誥誥諸如宮殿輿服典禮爵秩經費凡有關掌故者備載

兼該內廷大學士鄂爾泰張廷玉徐本率南書房翰林等詳

慎編纂書成繕錄三冊一貯乾清宮一貯上書房一貯南書

房我後嗣子孫世世遵循尙其知所則效知所警戒聽

列聖之明訓永永勿教特諭

乾隆二十四年十一月十七日奉

諭旨從前所修宮史閱時既久且多草率缺略之處著即將原

書再加詳細校正增修妥協陸續進呈令蔣溥裘曰修王際
華錢汝誠董其事以專責成欽此

乾隆二十六年十二月初十日奉

諭旨重辦宮史著添派于敏中並著陳孝泳幫同校錄欽此

臣于敏中 臣王際華 臣裘曰修謹

奏 臣等奉

勅纂輯

國朝宮史告成欽惟我

皇上懋德綏猷斂時建極雉門布令美洽於暢垓源挺象魏
頒章治達乎航瀛梯嶂凡惇大成裕之久
道積於躬皆謹小慎微之幾

化行自近先於乾隆七年

諭大學士率南書房翰林等恭纂

國朝宮史一書所以彰

列祖之鴻燬昭萬禩之燕貽綜治要於

聖言申憲章於

家法克勤克儉備在禹謨必欽必臧取諸罔命臚四端之法守
挈

一德之清明比効編摩經成卷帙嗣以史筆士言之紀載歲
月有加況經

武功

慶典之光昭儀章益備續於乾隆二十四年

申命臣等重加編輯者臣等才謝淹通遇叨

優渥幸依身於

中禁時察筆於

西清仰

宵衣旰食之勤規模倍肅欽

聲律身度之則頰笑必嚴官禮垂型不遺於箴銘戶牖中和

蘊德恒飭乎灑掃寢興紀言動於

聖人身真親見誌宮庭之盛事書未前聞細帙備登瓊籤載

輯遞塵

乙覽悉

指示於

睿謨排類六門務周詳夫法制

訓諭傳於宮正如綵如繪典禮具於掌儀有倫有則表

宸居之宮殿式示鴻規稽內費之經常率由儉惠職詳替御

宮官限四品之班道在圖書柱史藏萬家之富三十六卷協羲畫之分宮億萬斯年奉周官之馭內義緣事舉典以時昭鉅砌風清

辰極御居中之運宮壺春永

薇垣備大順之祥真莫罄夫形容要舉端於本則是皆由我皇上鴻勳懿孝德盛禮崇傳爲治內之經文成謨典式作齊家之訓守約治平導善則於端居青緗表臬範化基於祕府彤管流華勒苕琬以長貽寶球圖而並重謹將纂成國朝宮史


訓諭四卷典禮六卷宮殿六卷經費三卷官制二卷書籍十五卷統三十六卷裝成四函具摺恭

進伏候

欽定謹

奏

乾隆三十四年十二月二十四日



國朝宮史目錄

卷之一

訓諭一

世祖章皇帝諭旨

卷之二

訓諭二

聖祖仁皇帝諭旨

卷之三

訓諭三

世宗憲皇帝諭旨

卷之四

訓諭四

皇上諭旨

卷之五

典禮一

禮儀上

目錄

卷之六

典禮二

禮儀中

卷之七

典禮二

禮儀下

卷之八

典禮四

宮規

卷之九

典禮五

冠服

卷之十

典禮六

儀衛

卷之十一

宮殿一

外朝

卷之十二

宮殿二

內廷上

卷之十三

宮殿三

內廷下

卷之十四

宮殿四

景山

西苑上

卷之十五

宮殿五

西苑中

卷之十六

宮殿六

西苑下

雍和宮

卷之十七

經費一

鋪宮

年例

日用

卷之十八

經費二

恭進

卷之十九

經費三

恩賜

吉禮例用

嘉禮例用

筵宴例用

錢糧事例

卷之二十

官制一

條例

卷之二十一

官制二

額數職掌

卷之二十二

書籍一

實錄

卷之二十三

書籍二

聖訓

卷之二十四

書籍三

御製

卷之二十五

書籍四

方略

卷之二十六

書籍五

目錄

典則

卷之二十七

書籍六

經學

卷之二十八

書籍七

史學

卷之二十九

書籍八

儀象

卷之三十

書籍九

志乘

卷之三十一

書籍十

字學

卷之三十二

書籍十一

類纂

卷之三十三

書籍十二

總集

目錄
附

卷之三十四

書籍十三

類書

卷之三十五

書籍十四

校刊

卷之三十六

書籍十五

石刻

This image shows a blank ledger page with 12 vertical columns. The columns are separated by thin vertical lines, and the entire page is enclosed in a thick black border. There is a small notch on the right edge of the page, approximately halfway down. The page is otherwise empty of any text or data.

--	--	--	--	--	--	--	--	--	--	--	--

國朝宮史

卷之一

訓諭一

記有之王言如絲其出如綸王言如綸其出如綍明乎
由小及大自邇暨遠古帝王發號施令敷之則爲政治
載之則爲典謨固莫不四方仰之萬世傳之也至於深
嚴邃密之地左右史所未能記者稽諸曩牒略矣無聞
詩周南爲王化所基顧關雎麟趾諸篇類皆宮中頌揚
歸美之詞而當日所以端本善則垂訓於寢門以內者
亦罕有述焉我

朝內政修明垂裕奕葉

世祖章皇帝親政之初卽創立戒詞范金樹則鑒前代之已事
昭家法於無窮仰惟

聖祖

世宗繼承光顯紹庭陟降之際崇訓聿彰我

皇上懋修化原肅勤內治

臨御以來飭紀釐工體國經野凡灼微鑒遠之謨俾大久長
之計炳著於出納傳宣者固已薄海內外咸奉
皇極之敷言乃教本乎身化行自近卽起居之地誓御之人
其所職司不過灑掃使令之役而晨興夙寤諄誠所及
雖纖悉而必謹亦嘖笑之皆嚴禁侍謹輯而識之
恭與編纂備載成帙然後知我

國家

聖

聖相承言成官禮嚴宮府以昭肅清範禮法以辨等秩明賞
罰以示勸勉崇節儉以戒踰越不遺於一人不懈於一
事誠邁古而端齊治之源垂典以立訓行之準也夫敬
拜手稽首錄

世祖訓諭爲一卷

聖祖訓諭爲一卷

世宗訓諭爲一卷

皇上訓諭爲一卷

訓諭一

世祖章皇帝諭旨

順治十年六月二十九日

諭內院朕稽考古制唐虞夏商未用寺人自周以來始具其職所司者不過閹闈灑掃使令之役未嘗干預外事秦漢以後諸君不能防患乃委以事權加之爵祿典兵干政流禍無窮豈其君盡闇哉緣此輩小忠小信足以固結主心日近日親易致潛持朝政且其伯叔弟姪宗族親戚實繁有徒結納縉紳關通郡縣朋比夤緣作奸受賄窺探喜怒以張威福當宮庭邃密深居燕閒稍露端倪輒爲假托或欲言而故默或借公以行私顛倒賢姦混淆邪正依附者巧致雲霄迂抗者謀沈淵穽雖有英毅之主不覺墮其術中權既旁移變多中發歷觀覆轍可爲鑑戒但宮禁役使此輩勢難盡革朕酌古因時量爲設置首爲乾清宮執事次爲司禮監御用監內官監司設監尙膳監尙衣監尙寶監御馬監惜薪司鐘鼓司直殿局兵仗局滿洲近臣與寺人兼用各衙門官品雖有高下寺

人不過四品凡係內員非奉差遣不許擅出皇城職司之外
不許干涉一事不許招引外人不許交結外官不許使弟姪
親戚暗相交結不許假弟姪等人名色置買田產因而把持
官府擾害民人其在外官員亦不許與內官互相交結如有
內外交結者同官覺舉院部察奏科道糾參審實一併正法
防禁既嚴庶革前弊仍明諭中外以見朕酌用寺人之意內
院卽傳諭該衙門遵行著刊刻滿漢字告示自王以下及官
吏軍民人等咸宜知悉

順治十二年六月


命工部立內十三衙門鐵敕

諭曰中官之設雖自古不廢然任使失宜遂貽禍亂近如明朝
王振汪直曹吉祥劉瑾魏忠賢等專擅威權干預朝政開廠
緝事枉殺無辜出鎮典兵流毒邊境甚至謀爲不軌陷害忠
良煽引黨類稱功頌德以致國事日非覆敗相尋足爲鑑戒
朕今裁定內官衙門及員數執掌法制甚明以後但有犯法
干政竊權納賄囑托內外衙門交結滿漢官員越分擅奏外

事上官官吏賢否者卽行凌遲處死定不姑貸特立鐵板世世遵守

順治十五年三月

上諭吏部曰內監吳良輔等交通內外官員作弊納賄罪狀顯著研審情真有王之綱王秉乾結交通賄請託營私良輔等已經供出卽行逮問其餘行賄鑽營有見獲名帖書柬者有餽送金銀幣帛者若俱按跡窮究株連甚衆姑從寬免如此情弊朕已洞悉勿謂姦弊隱密竊幸朕不及知嗣後務須痛改前非各供厥職凡交通請托行賄營求諸弊悉宜斷絕如仍蹈前轍作姦犯法者必從重治罪



國朝宮史

卷之二

訓諭二

聖祖仁皇帝諭旨

康熙十二年九月十六日

上諭總首領太監宮內首領及各執事太監進宮五年有餘尙未考察勤惰爾等查明分別等次具奏

康熙十三年六月初三日

上諭設立內藥房原以防急用藥餌乃嚴肅之地今視脈煎藥肆慢不前並容匿閒雜之人甚非設立初意卽著移出外藥房去外藥房相去原亦不遠待用藥之際臨時再傳著總首領傳宣

康熙十三年六月十一日

上諭宮內衆太監及宮中行走人等如家中有出痘疹之人好者在家住一箇月不好者在家住一百日若隣居甚近之家出痘疹好者忘半月不好者忘一箇月再入宮行走

康熙十五年二月初六日

上諭朕在花園有哈哈珠子往來奏事必先著太監各處傳知然後遞行領送嚴密關防不可忽略

康熙十六年三月初一日

上諭顧問行崔蓋忠翟霖嗣後凡各官並養心殿等處庫中取用錢糧等物卽奉有旨意亦當告之司房應覆奏者爾等卽行覆奏或無庸覆奏實係應取者方准給與此事關係太監等性命爾等傳與衆太監知之

康熙十六年三月初五日

上諭顧問行凡大臣進宮奏事講書時先曾傳過不許放女人行走今朕親見女人仍有潛避行走者成何體制必係看守各門太監不行禁止爾等再傳如有仍前不改者著哈哈珠子參奏

康熙十六年五月初九日

上諭總首領太監以後宮內各處有上傳將本處所管物件動用賜給某人其經管之人必隨手登記本處底簿務將受賜

人之姓名逐一開寫清楚仍將物件另騰寫一紙移送懋勤殿不得有誤倘若物件開寫不清姓名參差不一者必從重治罪決不輕恕爾等卽行傳示

康熙十六年八月初一日

上諭著內務府總管傳與二十家內管領宮內一應服役行走女人凡有事進宮公事畢卽應出外不許久停閒坐將外間事入內傳說並竊聽宮內事往外傳說種種情弊皆所不免除已往不究外嗣後如有此等一經察出必重處不赦該管領一并治罪決不輕恕

康熙十八年十二月初三日

上諭宮內各處燈火最爲緊要凡有火之處必著人看守不許一時少人總管等不時巡察

康熙十九年四月二十四日

上諭凡放匠之處著總管用心關防妃嬪貴人等不許行走俟晚間放匠後方許行走如有錯誤必重懲爾等毋貽後悔

康熙二十年正月初六日

上諭太監最爲下賤蟲蠹一般之人如何見大人侍衛竟不站立且斜身踞坐甚無規矩嗣後俱著恭敬站立如有仍前不遵者必重處不饒著通傳申飭

康熙二十年二月十四日

上諭宮中女子不知禮體每有聲高角口者爾總管俱罷軟不能管束一味瞻徇不知禁約嗣後遇有不守宮規仍前喧詬者爾等指名據實參奏如徇私隱蔽察出一體治罪

康熙二十一年七月初八日

上諭昨日在晾鷹臺筵宴諸王大臣尙未坐有太監王進程昏之楊進章霍承培俱不知規矩竟坐於棚下著交該管議處具奏總管爾等議將王進等各鞭五十奉

旨每人著鞭責八十

康熙二十三年十月初一日

上諭奉

太皇太后懿旨今隆冬有風之際各宮燈火著用心謹慎不許任意喫烟著不時嚴察

康熙二十四年正月二十二日

上諭內務府總管吉徵房爲三宮女子養病而設如何在皇城
外窩遠之處又復污穢不堪既係養病之所必當嚴密潔淨
此皆爾等所司之事何得如此粗率著將養病房移在皇城
內幽僻處所掃除潔淨

康熙二十四年二月

上諭滿洲家奴及太監家奴有逃走在外私自淨身者不宜內
用其已經內用者查交禮部發回原主嗣後著嚴禁止

康熙二十八年三月二十五日

上諭太監每月所關銀米自皆足敷衣食披甲人等錢糧尙須
瞻養身家兼備盃甲器械鞍馬帳房太監乃一身一口又不
置辦各項竟爾破衣爛帽形同乞丐深爲可惡此由賭博之
故可傳與內務府總管嚴行鑿與衛掌儀司等處禁止賭博
該管首領實心稽察如有仍然不顧身體賭錢花費定行嚴
拏重處并傳知各處太監

康熙二十八年四月